

Nýtt skipurit Landspítala - Yfirlæknar

I. Yfirlæknar sérgreina.

1. Staða í skipuriti og nafngiftir.

Yfirlæknir sérgreinar er yfirmaður hennar og ber starfsheitið yfirlæknir að viðbættu nafni sérgreinar (dæmi: Yfirlæknir hjartalækninga). Næsti yfirmaður er framkvæmdastjóri viðkomandi sviðs. Yfirlækni sérgreinar ber að taka til greina ábendingar framkvæmdastjóra lækninga um fagleg málefni. Undirmenn yfirlæknis sérgreinar eru læknar og aðrir starfsmenn sérgreinarinnar.

2. Ábyrgð.

Yfirlæknir sérgreinar á Landspítala stjórnar starfsemi hennar og skal vera leiðandi um læknisfræðileg málefni hennar. Hann skal gefa út lista yfir verkefni sérgreinarinnar og þjónustu hennar fyrir 1. júní 2010 í samvinnu við framkvæmdastjóra sviðs. Yfirlæknir sérgreinar ber ábyrgð á að sú starfsemi sem hann stýrir, sé í samræmi við landslög. Ábyrgð yfirlæknis sérgreinar skal vera þríþætt, **fagleg, fjárhagsleg og ábyrgð á mannauði eins og fram kemur í skjali um ábyrgðarsvið stjórnenda á Landspítala.**

3. Framsal ábyrgðar/valds.

Yfirlæknir sérgreinar getur falið öðrum læknum innan sérgreinar að hafa umsjón með ákveðnum verkefnum og bera þeir þá ábyrgð gagnvart yfirlækni sérgreinar. Slíkt fyrirkomulag skal formfesta með starfslýsingu í samráði við framkvæmdastjóra viðkomandi sviðs og framkvæmdastjóra lækninga. Til greina kemur að sérfræðilæknir sem hefur umsjón með verkefni á þennan hátt kallist umsjónarlæknir verkefnis.

4. Vinnutilhögun.

Yfirlækni sérgreinar skal ávallt ráða í 100% stöðu á LSH og um hana skulu gilda ákvæði um helgun. Yfirlæknir sérgreinar og framkvæmdastjóri sviðs gera skriflegt samkomulag um það hvernig daglegum starfstíma yfirlæknis skal skipt í stjórnunarstörf fyrir sérgreinina, klínísk störf og akademíska vinnu. Tímahlutföll þessi geta verið breytileg milli sérgreina, sviða og tímabila ársins. Yfirlæknir sérgreinar skal hafa greiðan aðgang að fjármálaráðgjafa og mannauðsráðgjafa innan hvers sviðs, í samráði við framkvæmdastjóra sviðs. Yfirlæknir sérgreinar skal hafa aðgang að ritarþjónustu sem m.a. heldur utan um þau mál sem tilheyra viðkomandi sérgrein. Yfirlæknar sérgreina leysa hverjir aðra af í styttri fjarveru en sérfræðilæknir í 100% stöðu innan sérgreinar LSH leysir að jafnaði yfirlækni af í lengri fjarveru.

II. Yfirlæknar starfsemi.

Í undantekningartilfellum, getur yfirlæknir tiltekinnar starfsemi innan sviðsins borið þríþætta ábyrgð á sama hátt og yfirlæknir sérgreinar. Um yfirlækna starfsemi gildir að öðru leyti sama lýsing og um yfirlækna sérgreina, sbr. kafla I, og hafa þeir sömu stöðu í skipuriti spítalans.